



Adresa: **Ul.H.Čemerlića 39A**  
71000 Sarajevo  
<http://www.voda.ba>

tel. +387 33 726 444  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-226-7/25**

Datum: **15.10.2025. godine**

«Agencija za vodno područje rijeke Save» Sarajevo rješavajući po zahtjevu Službe za prostorno uređenje i zaštitu okoliša općine Ilijaš, dostavljen po službenoj dužnosti u postupku donošenja rješenja o urbanističkoj saglasnosti, a u ime pravnog lica „LIGHT STONE–LAKI KAMEN“ d.o.o. Sarajevo, za donošenje rješenja o prethodnoj vodnoj saglasnosti za izgradnju pristupne saobraćajnice, koja se planira graditi u naselju Malešići, općina Ilijaš, na osnovu člana 109. stav (1) tačka 9. a u vezi sa članom 12. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», 2/98, 48/99 i 61/22), donosi

### **RJEŠENJE** **o prethodnoj vodnoj saglasnosti**

1. Pravom licu „LIGHT STONE-LAKI KAMEN“ d.o.o. Sarajevo daje se prethodna vodna saglasnost za izgradnju pristupne saobraćajnice, koja se planira graditi na dijelu zemljišta označenog kao k.č. broj 471 i 472 K.O. Vogošća, naselje Malešići, općina Ilijaš.
2. Prethodna vodna saglasnost se daje u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
4. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
  - 4.1. Izraditi i revidovati investiciono-tehničku dokumentaciju na nivou potrebnom za pribavljanje odobrenja za građenje u kojoj će se dati tehnička rješenja koja se odnose na problematiku voda, odnosno: način prikupljanja i ispuštanja oborinskih voda sa kolovozne konstrukcije i vanjskih voda sa gravitirajućih slivnih površina, dimenzioniranje propusta, sve u skladu sa propisima koji važe za ovu vrstu radova.
  - 4.2. Investiciono-tehnička dokumentacija za predmetne radove iz tačke 1. ovog Rješenja u dijelu koji se odnosi na zaštitu voda i zaštitu od voda, treba biti urađena od strane ovlaštenog pravnog lica i revidirana od strane drugog pravnog lica, oba sa liste „A“ Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22) kao i sva pitanja koja su bitna za konkretan slučaj, a naročito:
    - Tehničko rješenje sistema za prikupljanje i ispuštanje otpadnih voda sa predmetne saobraćajnice i pripadajućih površina u podužnom i poprečnom smislu (rigol, propust). U sklopu projekta treba dati hidraulički proračun koji će definisati količine vode koje se mogu pojaviti u formi oborina, koje je potrebno odvesti do prijemnika;
    - Hidrološki proračun kojim će se definirati količine vode koje se mogu pojaviti u formi oborina, koje je potrebno odvesti do prijemnika;

- Dati osnovne podatke o recipijentu, sa detaljem ispusta prikupljenih otpadnih voda u isti. Lokalitet ispusta prikupljenih otpadnih voda mora biti naznačen na situaciji adekvatne razmjere;
  - Tehničko rješenje odlaganja i konačnog zbrinjavanja krutog otpada koji će nastati u toku gradnje;
  - Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva;
  - Pri izradi projektne dokumentacije pažnju posvetiti na položaj postojećih instalacija (vodovodne, elektro, PTT i dr.), te dati tehničko rješenje za ukrštanje ili izmještanje istih uz saglasnost vlasnika infrastrukturnih objekata ili organizacijom koja njima upravlja;
  - Projektnom dokumentacijom sagledati sve moguće neželjene uticaje, kako na planiranu saobraćajnicu, tako i saobraćajnice na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno sprečavanje tih uticaja;
  - Trasa saobraćajnice treba biti izvan granica vodnog dobra vodotoka, odnosno linije dopiranja stogodišnji voda. Ukoliko se iz bilo kojih razloga ovaj zahtjev ne može zadovoljiti, svako približavanje koritu vodotoka podrazumijeva dodatnu analizu uticaja velikih voda na trup saobraćajnice, te eventualno smanjenje proticajnog profila i po potrebi predvidjeti i obraditi dio koji se odnosi na uređenje vodotoka s kojim je trasa saobraćajnice u koliziji;
  - Predmetna trasa saobraćajnice mora biti usklađena sa prostorno planskom dokumentacijom za predmetno područje;
  - U projektnoj dokumentaciji definisati lokalitete – pozajmišta materijala sa kojih će se dovoziti materijal za trup predmetne saobraćajnice, odnosno lokalitete na kojima će se deponovati višak materijala. Nije dozvoljeno deponovanje materijala uz obale vodotoka i u vodnom dobru. Deponovanje materijala rješavati na način da se ne remeti prirodni režim površinskih i podzemnih voda;
  - Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva, te pravila struke i nauke.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi (ukoliko nije propisano izdavanje potrebno pribaviti dokaz od nadležne službe), potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivu ovog Rješenja, Investitor treba dostaviti i dokumentaciju navedenu u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.
  6. Investiciono tehnička dokumentacija mora biti urađena na nivou projekta za pribavljanje odobrenja za građenje, te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
  7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
  8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

9. Ova prethodna vodna saglasnost se može izmjeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## Obrazloženje

Po službenoj dužnosti, a u postupku donošenja Rješenja o urbanističkoj saglasnosti, Služba za prostorno uređenje i zaštitu okoliša općine Ilijaš u ime pravnog lica „LIGHT STONE-LAKI KAMEN“ d.o.o. Sarajevo podnijela je zahtjev za donošenje rješenja o prethodnoj vodnoj saglasnosti za izgradnju pristupne saobraćajnice, koja se planira graditi na dijelu zemljišta označenog kao k.č. broj 471 i 472 K.O. Vogošća, naselje Malešići, općina Ilijaš.

Uz zahtjev je dostavljena i pregledana slijedeća dokumentacija:

- Ovjereni kopiji Rješenja o izmjenama podataka u sudski registar Općinskog suda u Sarajevu, broj: 065-0-Reg-23-002295 od 13.07.2023. godine;
- Ovjereni kopiji aktuelnog izvoda iz sudskog registra Općinskog suda u Sarajevu, broj: 065-0-RegZ-23-014309 od 22.12.2023. godine;
- Ovjereni kopiji Uvjerenja o registraciji poreznog obveznika, izdatog od strane Porezne uprave FBiH, Kantonalni porezni ured Sarajevo dana 24.07.2023. godine;
- Zemljišnoknjižni izvadak: K.O. Vogošća, broj: 066191/24, zk uložak broj: 1063, izdat od strane Zemljišnoknjižni ured Općinskog suda u Sarajevu, dana 10.06.2024. godine;
- Kopija katastarskog plana, K.O. Vogošća, broj plana: 3, UR broj: 06/2-26-2082/2024-2 dana 10.06.2024. godine;
- Stručno mišljenje Zavoda za planiranje razvoja Kantona Sarajevo, broj:03-19-2044/24 od 13.06.2024. godine;
- Izvod iz prostornog plana kantona Sarajevo;
- Odgovor na zahtjev dat od strane Agencije za vodno područje rijeke Save Sarajevo, Službi za prostorno uređenje i zaštitu okoliša Općine Ilijaš, broj:10-678-2/25 dana 30.04.2025. godine;
- Studija za prethodnu vodnu saglasnost za izgradnju pristupnog puta za stambeni objekat u mjestu Malešići – K.O. Vogošća, Općina Ilijaš, urađen1 od strane „Saraj inženjering“ d.o.o. Sarajevo, maj 2025. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 5. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 63/22), o zahtjevu je dana 16.09.2025. godine obavještena javnost putem obavještenja u dnevnim novinama „Oslobođenje“. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Lokacija na kojoj će se graditi predmetna pristupna saobraćajnica se nalazi u naselju Malešići, općina Ilijaš, na dijelu zemljišta označenog kao k.č. broj 471 i 472 K.O. Vogošća, općina Ilijaš.

Za odvodnju oborinskih voda sa predmetne saobraćajnice i pripadajućih površina predviđena je izgradnja otvorenog rigola - cestovnog kanala i propusta. Projektnom dokumentacijom treba definisati način prikupljanja i ispuštanja oborinskih voda sa saobraćajnice i pripadajućih površina.

Na osnovu utvrđenog činjeničnog stanja i dostavljene dokumentacije, te smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 4. dispozitiva rješenja, shodno odredbama članova Zakona o vodama i člana 5. Pravilnika o sadržaju, obliku, uvjetima, načinu izdavanja i

čuvanja vodnih akata, doneseno je rješenje kao u dispozitivu i propisani uslovi koje je Investitor dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju  
Rukovodilac Sektora za izdavanje  
vodnih akata



Nihad Pezo, dipl.inž.građ.

Dostaviti:

- „LIGHT STONE – LAKI KAMEN“ d.o.o. Sarajevo, Gornja Karaula bb/ 71380 Ilijaš
- Općina Ilijaš, Služba za prostorno uređenje i zaštitu okoliša, Ul. 126. ilijaške brigade, 71380 Ilijaš
- Ⓢ AVP Sava, ISV, Vodna knjiga,
- Sektor 40, arhiva,
- Oglasna ploča